


Tilb'il Qtanmi Mam



*Ma' xnaq'tzb'il Rafael Landívar
Ja Xpich'b'il Kyi'j Yol*

*Tz'ibb'ilte: Luis Javier Crisóstomo
Tilb'ilab'il: Mayra Fong Rodríguez*

Tilb'il Qtanmi Mam



*Ma'xnaq'tzb'il Rafael Landívar
Ja Xpich'b'il Kyi'j Yol
Paxil, 1999*

K'loj / Colección:
Txol / Serie:
Tnej/ Área:
Nejenel te k'loj/ Director de la colección:
Tz'ib'b'ilte/Autor:
Tilb'illab'il / Ilustradora:
Nik'ub'ilab'il / Diagramador:

Materiales Educativos, No. 155
Mam, No. 21
Estudios Sociales, No. 7
Manuel Salazar Tetzaguic
Luis Javier Crisóstomo
Mayra Fong Rodríguez
Carlos Rafael Figueroa

Yek'b'ilte

At kyoklen qe tal txin ex tal q'a mam tu'n kytzqinte kyb'inchb'in ex kyb'inchb'in txqantl tnam ite' toj Paxil. Il ti'j kxe'l qe tu'n tel qniky' ti'j qeku tb'inchb'in qtanmi tu'ntzan tel qniky' te kychwinqal txqantl tnam.

"Tilb'il Qtanmi Mam", jun tal u'jb'il noq kye skwelil te xnaq'tzb'il toj kab'e yol. Atzan taj u'j lu'n tu'n tb'ant kytzqinte txin ex q'a kyaqil jni' tb'inchb'in kytanmi tuk'a junjun u'jb'il nya'xix kujqe tu'n tel kyniky' kye ex icyx tu'n kyajb'in tu'n tten tkujil ex tu'n tch'iy jni' ti'chaq tokx toj qb'inchb'in.

Ila' ti'chaq, jni' nb'ant ex txikyil qb'inchb'in aqo xjal mam tku'x toj u'j lu'n ex ilti'j tu'n kykub' xnaq'tzit toj xnaq'tzb'il toj kab'e yol tu'ntzintla tb'inchit tb'anil tnam qkyaqil qaj ti'j. Jun tnam jatumel ite' tal txin ex tal q'a mam, qtxe'winaq, mos ex noq alkye juntl ch'uq xjal toj jun temb'il itzqi'n kyib' ex nok kyniman kyib' kyxolx.

Jaka tz'ajb'in u'j lu'n noq tu'n tu'jin junjun k'wal ti'j, u'jil toj ch'uqa'n ex qa tu'n tkub' yolit kyxol mamb'aj ex qe ajxnaq'tzil te kojib'il.

Ex ja'ka b'ant tten u'j lu'n toj k'ub'ilu'j te tal tja xnaq'tzb'il tu'n tajb'in te kyu'jb'il k'wal noq tze'n kyaj.

Aya tal txin, aya tal q'a,
aya tat, aya nan.

Qo'u'jil ch'in ja'la ti'j ntanmiya
mam tyol.

Aj yol mam tok te flok'il yol
mamb'aj, ex atzan txilen
mamb'ajx.

Atzan kyoj txqanti yol
maya, atzan tz'e'la yol
mam, tat chman, ti'j
mo ojtxe xjal.





Nkub' yolin qwitz qa
ite'tl qxe'chil mam
mab'antxi ila'x mil
ab'q'i.

Aqe qxe'chil maya
kyb'i.
Kyoj q'ij ja'lla nimx at
quk'iya tu'n tkub' yolit
kywitza, tib'aj
b'inchb'in,
aq'untl ex
fi'chaq qaja
tu'n tb'ant.




Aqo'ya mam at qexa qyola.



Mam qe tb'i qyol.
Noknan mam
qu'na toj ajaya
ex toj chmab'il toj
tja Qajwi, kyoj
chmab'il te koj'b'il
ex toj k'a'yb'il te
tnam, ex kyoj
kyaqil aq'un'tl
nchib'ant qu'na.

Tzunxix najb'in mam
qu'na te ximil, xnaq'tzil,
q'ol ex qanil tqanil.






Nb'ant ttz'ib'it qyol mam.
Ja'la, ite' jni' u'j tz'ib'in
tuk'a b'ib'il ex pakab'
kye tal txin ex kye q'a.
Tz'ib'in Ttxuykawb'il kye
k'wal toj qyol.

Ite' Chiky'b'iyol ex q'ol
tumel toj qyol.


Kye aq'nil te tjaxtis ite
kyoj tnam b'a'n chiyolin
toj qyol, ite' u'j nchib'aj
b'inchit kye ajtz'ib'il ex
kye q'olxtis.

Ite' txqantl yol at kyoklen
tuk'a qyola,
ayi yol awakateko ex ixil
tu'nj junxix kyxexchil.

Junx jni' kyq'ajq'ajel at ex junx junjun yol at kyoj.




Nchi'oknan te qniky'b'ila:
 Ixi'n, chenaq', itzaj ex ich.
 Axix ixi'n noknan te qnky'ib'ila.
 Ti'j kjo'n ne'la ixi'n junjun ab'q'i.
 Ti'j kjo'n nchi'e'la jal ex kyi'j jal ne'la
 ixi'n.
 At ixi'n q'an, kyaq, saq ex q'aaq
 ka'yin.
 Tuk'a ixi'n nb'anta b'utx. Tuk'a
 b'utx nchib'anta muqin.




Ite' muqin sjanin, q'aaq
 ex q'an chika'yin.
 Ex nchib'ant muqin
 chawin kyb'i.

B'a'n qo'chyo'na ila' wiq chenaq' Tze'nku
nmaqchenaq', xlich ex piloy.



Nchi'awet chenaq' ikyjo
kyoj qkojb'ila, ex ite'
junjuntl noq nchitzaj
laq'et toj k'a'yb'il
tu'n toj milaj nchijatz
ch'iya.



Ex ikyx b'a'n qo'itzjina ila' wiq itzaj.
Toj qjaya, b'a'n qo'itzjina
b'ers ex napx.

Atza'n qe, b'a'n
qo'itzjina kolipor, repoy
ex sanaoria.




Toj weya njaxjal nqo'itzjina
kolipor, tx'ab'in, xlaqtx'o,
yimo'ch ex
seb'oy.





Ex b'a'n qowana ti'j aros ex triy.

Nim triy nku'x awet
toj che'w tx'otx'.




Ti'j triy ne'la ky'aj
tu'n kyb'ant tx'i'l
ex tb'anix qwa
muqin.

Toj milaj nku'xa
awet aros.

Nb'ant jun wiq q'otj tuk'a aros
smo'n tuk'a kakaw ex qa
lech.

Ex najb'in aros te ila' wiq
tikyn'il wab'j.



Lu' qjaya lo.

Aqo'ya b'inchil qjaya.

Ite' ja loq' kyxe, ch'um toj kywi' tokx, tx'otx' kyoj
ex ajlaj kyjpel mo kylimel tok.

Jun tal ja tb'anilx tzalb'ajil at toj.


Nqosaqchana twitzja kyuk'a tal witz'ina tal q'a
ex qe tal txin.



Atzan weya njaxjal najle toj jun tal ja.
Noq tze txeyla tok, ch'um toj twi' ex tx'otx'
toj.

Njaw b'inchit ja ikyjo tu'n maq'maj ch'in
qtemb'ila.

Me nimx k'u'jb'il ex numb'il at toj ja ikyjo.




At junjun temb'il jatumel najb'in tz'lan te twi' ja.

Netzjo tz'lan ikyjo toj jun wiaq tze tb'anil tu'n tkub' slet.

Nej njaw tze, junjun nimjaj tqan nkub' tx'emit, nkub' silit tu'n
tjatz tz'lan toj, nchikub' tzajisit toj tlekin ex nchikub'
k'uyit toj kab'lajchaq.



Ex ikyx ite' jaxjal noq
ntzaj laq'et ti'chaa
te tja, najb'in
blok te txeyla,
chenab'j toj ex
xk'o'n toj twi'
tokx.



Tb'anil ka'yin kojb'il kyu'n ja ikyjo, tu'nj kyaq ka'yin
toj kywi' ex atzan kyxeyla sjanin.



Kyijila' tal ja ikyjo,
nchib'aj txa'xin jni' awal.
Ila' wiq b'ech noqtze'nchaq ka'yin.
Qe tal txin ex tal q'a nchib'aj aq'nin
ex jni' txeyla tka'yajtz kya'j.



Ti'chaq aq'untl nb'ant qu'na twitz tx'otx':
Kyoj che'w kojb'il, nb'aj awet is, triy, ab'en ex chenaq'.

Tu'ntza'n nimx nqoq'ona chjonte te nana tx'otx', ntzaj
tq'o'n qwaya,
ntzaj tq'o'n qchwingela,
ex ntzaj tq'o'n tzalb'ijil qeya.



Toj aq'untl lu'n nimx tzalb'ajil at.
 Tu'nj at twitz triy nel te qwa.


Tu'npitzi'n kyaqilx nb'aj
 aq'nin tu'n tel triy: qe
 q'a, qe txin ex qe tij
 xjal.




Junjun nb'aj jo'n triy,
 junjuntl nb'aj k'lonte ex
 junjuntl nxi' iqante.

Nku'x awet kjo'n kyoj kojb'il noq ch'in kymaq'majel.
Ex ikyx qe lob'j tze'n trasin, mansan, ch'wix ex jatza.


Atza'n toj maq'maj kojb'il at
junjun jaxjal nawan ch'in
kape ex yiney.




Toj nkojb'ila, atku nchilo'n xjal trasin tze'n nya'tl tq'ijjo'.
At jun tumel tze'n tu'n tb'ant kyk'u'yit trasin te ila' q'ij:



Nchijaw sk'et tb'anil lob'j.




Nchijax tzq'ajsit.



Nchikub' tzqijsit toj tqan q'ij.



Nchi'ok k'let tuk'a noq'.



Nchijax yob'it toj tsib'il q'aaq'.



Tze'n q'ijil, qa taja lo'n trasin, b'a'n kyjax
tzq'ajsit juntl maj.

Ex ite' kojb'il nku'x awet ila' wiq itzaj kyoj.

Nxi' k'ayb'aj itzaj axtza toj
k'a'yb'il ex kyoj nimtnam.

Tu'n ttzaj anq'in tb'anil itzaj,
ila' kojb'il at chitb'il a' kyoj.

Nb'ant kyawan xjal itzaj
tze'nku toj q'ijil.




Qe tb'antiyil at toj qkojb'ila:
Nchib'ant k'wil qu'na tuk'a tz'aqb'aj tx'otx',
nchib'ant junjun matijqe ex junjuntl nya'xix nimqe.

Ex nchib'ant qu'na jni' xar ex xk'o'n
noq jni'chaq qe.



Nchib'ant xk'o'n ex tzq'ajloq' qu'na tuk'a tz'aqb'aj tx'otx'.
Kyjalu'n nchib'anta xk'o'n qu'na:

1. Nku'x jyet tz'aqb'aj tx'otx'.
2. Njatz iqit tz'aqb'aj tx'otx'.
3. Nkub' b'uchit tz'aqb'aj tx'otx' tuk'a ti'chaqku, tze'nku tuk'a tz'utz mo ch'ok, machet ex qa tuk'a ka.
4. Nkub' ak'sit tuk'a a' tu'n tb'ant tch'akb'a.
5. Junjuka nkub' b'inchit xk'o'n, najb'in jun b'inchb'il te tjni'yil ex juntl te q'ol tten.
6. Nchikub' tzqijsit noq toj kyq'iq'.
7. Nchiku'x nik'et toj tzq'ajsb'il.
8. Nchiku'x patit.
9. Toj juntl jte' q'ij, nb'antl kyajb'in.



Tuk'a jni' ch'um nch'iy kyoj chq'ajlaj ex kyoj pintze,
ila' jaxjal nb'ant ila' wiq pop kyu'n, se'win ex sweji'n
kyten.

Ex ikyx nchib'ant ila' wiq chi'l.



Nchib'ant jni' melis te qanb'aj ex te q'ob'aj, worj
ex qe xnoq'il.

Toj nkojb'ila b'a'n chichmon qe tal txin, qe tal
q'a ex qe tij xjal.

Noq nel qka'yina kyi'j txqantl xjal tu'n tb'ant
qchmona.



Qe chemj:

Nchib'ant tb'anix klob'j kyoj ila' tnam mam kyyol.
Tze'nkuqe nchib'ant qu'na Xnil, San Juan Atitán ex
Petz'al.

Ex ite' tb'anil klob'j nchib'ant qu'na toj Todos Santos
ex San Pedro Necta.

Ex b'a'n qe' qo'chmon aqo'ya qya te San Juan
Ostuncalco ex K'ojla'.

Ex ikyx tb'anil qe klob'j te Tojch'um, Txolja ex
San Miguel Ixtahuacán.




Atza'n kyxb'alin ichin mo xinaq,
Tb'anilx wexj te Todos Santos ex te San Martín
Sacatepéquez.

Ex ikyx qe ichin mo xinaq te San Juan Atitán tok
kywex chmo'n kyu'nx qya mo xu'j.



Chnab':

lla' xjal kyojila kojb'il b'a'n chichimb'in.
Tb'anilx qe twi' b'itz nchijatz toj chnab'.
B'e'x nchitzaj qna'n qxe'chil tu'n twi' chnab'
ex ntzaj kyq'o'n qipan tu'n ti'chaq qaj tu'n tb'ant ja'la
ex nchi'j.





Ex ikyx nchi'ajb'in kyitar ex
chqitz'.

Nchi'ajb'in tu'n tten tzalb'ajil
kyoj tning'ij kojib'il.


Ex nchi'ajb'in toj utz'il kyi'j
kyimni ex aj kyxi' muqb'aj
xjal.

Nb'ant kychimb'it kyu'n jni'
q'a, txin ex qe tij xjal.

Nimx qe' qaj ti'j chnab'
aqo'ya mam.

Atzan txokb'il ex su
nchi'ajb'in kyoj ning'ij
te kojib'il.

Tze'nku kyoj ning'ij te
tnam, ex tze'nku
nchi'ok kawil.



Q'anb'il.

At qe' tumel qq'anb'il tu'n mi'n qoyab'teya,
 noknan chuj qu'na. Alkye jun xjal nya' b'i'n chuj tu'n.
 Noq tuk'a txb'akxil q'aa' naq'nan chuj ex ikytzan tten
 kyjalu'n:

1. Nakaj jun tal ja b'incha'n tuk'a loq'.


Jun kab'e jaj toj, kab'e jaj tqinla ex jun jaj twe'llil.

2. At jun tal piky nokx b'inchit toj tuk'a ab'j mib'an chi'el
 poq'la tu'n q'aa'.

Noq nchikub' nik'et ab'j jun tib'aj junjuntl,

Nti' xikyb'il kye ab'j najb'in.

Nokx kchet q'aa' toj tal piky
 tu'n kymaq'te ab'j.



3. At jun tb'anil
 ex matij watb'il
 tokx toj chuj,
 Noq nchikub'
 ten xjal tib'aj
 tu'n kytxjon kyi'j
 tuk'a txb'akxil
 q'aa'.

4. At jun tal
 ttzi chuj at
 noq tu'n
 kyokxku xjal.

Tumel tu'n tajb'in chuj:

1. Nokx kchet q'aa' toj tal piky b'linchi'n tten tuk'a ab'j, tu'n kymaq'texix ab'j.
 2. Aj kymaq'ta ab'j, k'wel ayet tu'n tetz b'aj sib'.
 3. Nok noqx alkye jun xb'alin te tlamel mo tjpel chuj.
 4. Nej nchi'okx tij xjal tu'n nimxix q'aa' at.
 5. Noq nxi' qet a' kyib'aj ab'j tu'n tel txb'akxil q'aa' kyij.
- Qa nim a' xi' qet ex nim q'aa' at. Atzan tumeljo tu'n tten nim mo nya' nimxix q'aa'. Tb'anixtetz.
6. Kyaqil xjal nokx toj chuj, nchi'ajb'in tweky.
- Najb'in weky te jk'ul txqantl q'aa'. Tb'anix tk'ok'jil weky at.
7. Npon amb'il tu'n kyokx jni' k'wal junx kyuk'a tij xjal.
 8. Ok tel b'aj q'aa' toj chuj, atzan amb'il tu'n kyokx tal ne'p.
 9. Najb'in maq'maj a' tu'n ttxjet ti'j junjun xjal.
 10. Aj kyetz xjal toj chuj, nxi' kyk'wan ta'l k'ul tze'nx noq ti' ch'in yab'il kyij.
 11. Nya' b'a'n tu'n qex b'et toj kyq'ia' aj qb'aj chujin.



Ila' wiq k'ul nchi'ajb'in te qq'anb'ila.


Najb'in ruda tu'n tel witzb'aj kyi'j tal txin ex tal q'a,
nel naj tyab'il q'o'j tu'n, ex nti' ntzaj tyab'il qanmi qa
nxi' qk'wa'n ta'l ruda.

Atila jun wi' kyru da jaxjal twi' tpe'n ja.



Najb'in joqamaq tu'n tel naj ta'w mo tchyo'n k'u'jb'aj,
 nel naj kyaq tu'n ch'um limón, nel sjo'l tu'n eukalipto,
 atzin te anis nel ta'w mo tchyo'n k'u'jb'aj tu'n.


Nwe' xab' tu'n txaq trasin.



Nimx qaja tu'n qch'iysina alu'mj.

Kyaqil jaxjal at toj chq'ajlaj ite' tal kyali'n.

At junjuntl noq kywakax at tu'n nchiq'on lech ex tz'is.
Ex at junjuntl jaxjal ite' kyxiky ex kykuy.




Ex ite' qali'n mib'an kyok te kyniky'b'il xjal.

Noq nchi'ajb'in te mojl tu'n kyb'ant taq'in ichin mo xinaq:

Lu'tzan chej noq nmojin te iqal jni' qe pa jal.

Atzan te tx'yan nxq'uqin ja ex qe txqantl alu'mj.


Atzan te wix tok te chyo'l ich' tu'n mi' b'aj ixi'n kyu'n ich'.



Nchijaw b'inchit tja eky' ti'jxa ja.
 Ex ikyx tja tx'yan xq'uqil kych'laj rit.
 Ex ikyx kyja wakx ex kyja xiky.

Nimx tzalb'ajil at ajaya:

Tuk'a kykokb'yil eky', kyoq' tzeqy' ex kyoq' rit,
 Kymuyil wakx, kyritz'il chej ex kych'awj wi.
 Ex jni' kychiyil tx'yan. Ikytzin tb'itz chq'ajlijo.



Ite' echb'il nchi'ajb'in qu'na junjun q'ij:




Ikyjo tze'nku te malb'il twitz tx'otx' nchi'ajb'in txol qqa'n ex jaj.




Te malb'il tx'otx' najb'in ech te 25 jaj.




Kye lob'j, najb'in junjun, jun q'ob'aj ex kab'lajajchaq.



Te itzaj najb'in junjun ex pk'oj.



Te si, najb'in k'laj, jun iqatz ex jun malob'il si tarey tb'i.



Atzan te jal, noknan kstal ex pa.

At ninq'ij nkub' iky'sit tu'n qtzalaja ex qq'ona chjonte
ti'j qchwinqal:

Tq'ij qitz'jin.

Tq'ijil winqan q'ij qitz'jin.


Aj kyok meje mo
kynajan xjal.

Ti'j jni' ntzaj tq'o'n
twitx'otx' qe:
qanb'il jb'al ex awal.



Ex ite' junjuntl ninq'ij nchikub' iky'sit toj tnam:
Ninq'ij te Santa Cruz, ninq'ij te San Juan.

Kyoj ninq'ij lu'n at chnab', txokb'il ex su nkub'.
At kysyutb'il k'wal npon.



Nimx nqotzalaja tuk'a jni' nkub' yoli'n qwitza.
Nchiyolin tat chman ti'j jni' otziky' ti'j kojib'il, Jtoja tkub'
xikyb'it tnam ex alkye q'ij tjaw b'inchit tja Qajwi, Jni'
tx'ixpb'in kawb'il te txjawil octubre ex tponla skwelb'il
toj kojib'il.
Ayitzan kye yaya mo nan ya' nchiyolin kyij txuk, kleli
ex jwano.



Junjun qniky'an, ti'jala q'aa' toj tmijil ja, Nkub' yolin ja'chaq saj anq'ina jni' ti'chaq, tze'nku jatumel saj anq'in ixi'n.

Nkub' yoli'n qwitza qa toj qtx'otx'a aqo'ya mam xjaw anq'ina ixi'n.

Paxil tb'i temb'il jatumel jaw anq'ina ixi'n.
Toj Chnab'jul ta' Paxil.




B'a'n qe' qokwentan ti'j twitx'otx' ex kyij txuk mo txkup:
Nxi' qqanina te Qajwi tu'n tjaw pa'yit tx'otx'.



Nxi' qqanina te Qajwi aj
tjaw tx'emit jun tze te si.
O'kx tx'otx' nkub' aq'nit aj
najib'in tu'n qanaq'ina,
b'a'n qo'awana ila' wiq
tze kyoj chq'ajlaj,
tu'ntzan kyajb'in nchi'j
kye qe tal txin ex qe
tal q'a ok kyok te tij
xjal

Nya' b'a'n tu'n tkub'
qyajin a', tu'n kajb'il
kye txqantl xjal.
Najib'in te a' te
chwinqal.



B'a'n tu'n tok qkwentan kychwingal txuk.
 Kychwingal tal txuk ex kye matij txuk, tu'nj a Qajwi
 xkub' ch'iysankye ikyxjo tze'n kye xjal ex kye tze.
 B'a'n kyok aka'yin kyaqil jni' ti' nchimojin qi'j toj aq'untl,
 ex ilti'j tu'n kyok qxo'n kyaqil jni' at kyoj pintze,
 tu'nj nchi'ajb'in tu'n tten numlal twitx'otx'.



B'a'n qe' qoniman ti'j Qajwi. Tanmi Tx'otx' ex Tanmi Kya'j
tb'i tok qu'na.

Nqoq'ona chjonte te junjun q'ij ti'j chwingal, kyi'j txqanti
xjal ex ti'j qniky'b'il.

Nxi' qqanina te tu'n ttzaj tsama'n jb'al, tu'n ttzaj tq'o'n
b'anximlal ex tzalb'ajil.


Nxi' qqanina te tu'n tka'yin ti'j tata, nana ex kyit tat
chmam ex yaya mo nan ya'.



Aqetzan qaja tu'n kyb'ant lu'n:

Qaja qonajana toj numlal.


Qaja tu'n kykub' naj wa'yij, jni' yab'il ex iky'il qwitza.
 llti'j tu'n kyka'yin mo kykwentan ti'j tx'otx' kyaqil ichin
 mo xinaq, qya mo xu'j ex qe tal q'a, qe tal txin.
 llti'j tu'n tok qitzqi'n tb'inchb'in qtanmi
 ex tb'inchb'in kytanmi txqantl ch'uq xjal.



Iti'j tu'n tten skwelb'il toj kab'e yol qxola.
Qaja tu'n tb'ant qyolina, qu'jina ex qtz'ib'ina ti'j qyola
ex ti'j kyyol mos.

Qaja jun xnaq'tzb'il nmojin qi'ja tu'n tel qniky' qex,
aqo tal q'a ex txin mos, quk'il, xinka ex garífuna.
Ex qa ja'ka tzaj tyek'in xnaq'tzb'il kyyol me'x xjal qeya,
ja'ka b'ant qu'na.

Qaja jni' tja q'anb'il kyoj kojb'il,
tu'ntzan mi' chikyima txqan tal q'a ex txqan tal txin.



Este material fue elaborado e impreso gracias al apoyo
económico del Gobierno del Reino de los Países Bajos.

Chjonte tu'n makub' b'inchit u'j lo tuk'a
pwaq mojb'il saj tq'o'n Kawil kye Países Bajos

Lic. Gonzalo de Villa, S.J.
Rector

Licda. Guillermina Herrera Peña
Vicerrectora General

Dr. Charles Beirne, S.J.
Vicerrector Académico

Lic. Jorge Aráuz
Vicerrector Administrativo

